



18. oktober 2010

Inatsisartut suleriaasianni § 36 imm. 1 naapertorlugu Naalakkersuisunut apeqqutit imaattut matumuuna saqqummiuppara:

Naalakkersuisunut apeqqut:

Kilisaatini nunatsinni angerlarsimaffeqartuni piginnittuussagaanni, piginneqataassagaanniluunniit suut piumasaqaatit naammassineqarnikuussappat?

Kilisaatini nunatsinni angerlarsimaffeqartuni pisassiissutinik pissarsinissamut suut piumasaqaataappat?

Polar Seafood-imi kikkut piginnittuunersut Naalakkersuisunit ilisimaneqarpa? Ilisimaneqarpallu kikkut piginnittuuppat, qanorlu annertutigisumik immikkoortitaarlutik piginneqataappat?

(Inatsisartunut Ilaasortaq, Karl Lyberth Siumut)

Tunngavilersuut:

Kilisaatini nunatsinni angerlarsimaffeqartuni kikkut piginnittuunersut pillugit tusallatsiakkat assigiinneqimmata soqutiginarpoq erseqqissumik paasissallugu kilisaatini pineqartuni kikkut piginnittuissuunersut.

Aamma paaserusunarpoq nunatsinni pisassiissutinik, soorlu raajanut tunngassuteqartunik, pissarsissagaanni piumasaqaatit suut naammassineqartariaqarnersut.